

Title	漢詩
Author(s)	秋月, 胤繼
Citation	懷徳. 1935, 13, p. 48-49
Version Type	VoR
URL	https://hdl.handle.net/11094/88932
rights	
Note	

Osaka University Knowledge Archive : OUKA

<https://ir.library.osaka-u.ac.jp/>

Osaka University

大都江浙各風情。曲史開山門徑成。堪使王吳王國維睦若後。功名不要得功名。

物庵理博以土佐虎斑硯見惠書感賦贈

文房憶四友。老來若渴飢。管侯與褚子。容易相追隨。陳立左座右。陶泓特所思。虎璞落吾側。斑斑深山姿。與汝舊相識。憶我童子時。挾册上村校。濡毫對吾師。滿面亂鴉色。頑駭羣戲嬉。恍惚猶昨日。卽今鬢如絲。平生戒奢泰。財用慎徒糜。雖愛方玉貴。此亦堪護持。注以涓涓水。磨研臨凹池。臃腫神氣聚。赫灼精英馳。小則驅魍魎。大則戮蛟螭。煌煌明大道。悠悠保國維。臣忠揚其烈。子孝美其爲。婦貞顯其鑑。友信存其規。山川寫清秀。花月畫華滋。凡百賴汝力。素樸與汝期。不要馬肝繳。何用鸚眼奇。從今伴遲暮。須臾不相離。

昭和甲戌初夏一心寺弔伏見鳥羽戰沒諸士靈。賦奠

秋 月 胤 繼

勢所激兮旣接兵。挺身只有競輸贏。臨危授命全臣節。感發後人報國誠。

分順逆須於大義。論因成敗匪攸宜。在尊皇室持征府。藩是昭昭天地知。
昭和甲戌八月旬五日詣高野山。時大師入定一千一百年。故及。

遺德仰鑽高且堅。賽人絡繹漲香煙。自攀山頂開宗礎。恩及一千一百年。
同八月念五日登比叡山。賽根本中堂。

鬱々老杉摩彼蒼。翠嵐深處鎮中堂。開基千百有餘歲。遺後長傳仰靈場。
慕兩大師遺德

昨攀南岳浸清氳。今陟北山浴淨氛。靈域傳燈終不滅。兩師遺德久愈薰。
昭和甲戌晚秋訪箕面楓溪。

清晨曳杖從溪躋。兩岸黃楓連彩霓。日出須臾朝靄散。天光樹色映長谿。
楓溪一路入雲連。山徑盡頭飛瀑懸。滿澗清湍滿崖樹。彩光絢爛弄秋妍。
徑沿幽磔儘高低。楓樹滿眸望欲迷。青綠黃朱成錦繡。溪山風色入詩題。

破甲篇

黃裳 中 井 天 生

破甲一函。余幼時端午節開展。後散逸。告百世孫一卷今尙存焉。